



MØTEINNKALLING

Utval: Kommunestyret
Møtedato 07.04.2022
Møtetid: Kl. 15:00
Møtestad: Kommunestyresalen - kommunehuset

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Presentasjonar i byrjinga av møte:

- Prosjektet «100 dagar sjølvforsynt» ved Bjørnafjorden landbrukskontor
- Naturvernområde ved Statsforvaltaren i Vestland

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
015/2022	22/235	Godkjenning av innkalling og sakliste	
016/2022	22/235	Faste saker	
017/2022	22/186	Busetting av flyktningar 2022 - oppmodingstal frå Integrerings- og mangfaldsdirektoratet (IMDI)	
018/2022	22/1	Høyringsuttale til forslag om endringer i domstolstrukturen	
019/2022	22/95	Endring - ny transportordning for ungdom og eldre i Samnanger	
020/2022	22/107	Korrigerings vedtak - Bestilling av forvaltningsrevisjon eller eigarskapskontroll	
021/2022	22/198	Invitasjon til medlemskap i Trygg Trafikk	
022/2022	18/1508	Vigselsmynde for rådmann Ove Sæbø	
1	20/25	Interpellasjon til KS 24.2.2022 - Økonomisk tilskot til fritidsaktivitetar for barn og unge - frå Krf	
2	20/25	Interpellasjon - butikk og drifstoffanlegg på Tysse	
3	20/25	Interpellasjon - fjerning av eiendomsskatt fra og med 2023	
4	20/25	Interpellasjon - jordvern	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/235	Løpenr: 22/2734
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	015/2022

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/235	Løpenr: 22/2735
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	016/2022

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.



SAKSFRAMLEGG

Sakshandsamar: Ove Sæbø	Arkivkode: FA-F30
Arkivsaksnr: 22/186	Løpenr: 22/2456
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	017/2022

Busetting av flyktningar 2022 - oppmodingstal frå Integrerings- og mangfaldsdirektoratet (IMDI)

Rådmannen sitt framlegg til vedtak:

1. Kommunestyret godkjenner å busetje 30 flyktningar i tråd med oppmodingstal frå IMDI. Dette talet inkluderer ikkje evt. familiejenforeining.
2. Kommunestyret gjev rådmannen fullmakt til å disponere tilskota kommunen mottek til føremålet. Det inneber mellom anna å bemanne opp administrasjonen og dei tenestene som er naudsynte for å kunne gje flyktningane eit velfungerande bu- og opphaldstilbod. I tillegg kan det tyde å inngå leigeavtar om bustadar, innkjøp av naudsynt utstyr som flyktningane treng i det daglege, samt innkjøp/leasing/leige av bil som flyktningtenesta (NAV) kan disponere.
3. Finansiering av tiltaka skal skje innanfor ramma av integreringstilskotet som føl med flyktningane som vert busette i Samnanger kommune.
4. Rådmannen skal jamnleg rapportere status på bruk av fullmakt til kommunestyret.

Dokument som er vedlagt:

Vedr. 22-02061-1 - Ny oppmoding 2022 - Samnanger kommune (3)

Kva saka gjeld:

Etter at det braut ut krig i Ukraina 24. februar i år har store folkemengder blitt drivne på flukt. Somme innad i landet, medan mange har måtte forlate heimlandet sitt for å søkje ly og tryggleik i andre europeiske land. Europa har ikkje opplevd tilsvarande masseflukt sidan den 2. verdskrigen.

Situasjonen er særskild dramatisk for Ukraina og nabolanda som følgje av dei humanitære behova som fortløpande spelar seg ut. <https://www.udi.no/krisen-i-ukraina/>

Noreg har vedteke at ukrainske flyktningar skal få mellombels kollektivt vern. Dette er heimla i eit særskilt løyve i utlendingslova § 34 som kan nyttast i ein massefluktsituasjon.

Noreg vil måtte auke opp og sikre kapasitet til å ta i mot eit mogleg stort tal flyktningar i tida framover. Det er framleis ukjent kor stort behovet for busetting vert i år, men det er venta ein auke i vekene og månadane framover. Samnanger kommune mottok ein førespurnad frå IMDI 04.03.22 kor kommunen vart beden om å melde tilbake mogleg kapasitet og rask tilgjengelegheit på busettingsplassar. Svarfrist var 10.03.22. I samråd med ordførar meldte rådmannen tilbake eit måltal på 30 flyktningar. Det er kommunestyret som vedtek rammer for mottak/busetting av flyktningar, jfr. delegeringsreglementet pkt. 4.2 x).

Det føl finansiering med kvar flyktning. Denne er meint å skulle dekkje dei kostnadane kommunen har ved busettinga. Stønaden kommunen mottek gjeld for kvar flyktning i 5 år.

<https://www.imdi.no/tilskudd/integreringstilskot/>

Det er uvisse knytt til endeleg tal flyktningar som kommunen mottek, samt tidspunkt for kva tid dei kjem. Samstundes er me avhengig av å ha på plass tilsett - flyktningkonsulent – som kan førebu og følgje opp det ansvaret som kommunen tek på seg. Ved at det er varsla mange flyktningar over kort tid, er vurderinga at det ikkje er særleg høg risiko knytt til etablering av ein 100 stilling som flyktningkonsulent.

Vurderingar og konsekvensar:

Rådmannen har vurdert og beslutta at koordineringsarbeidet knytt til mottak og busetting av flyktningar vert lagt til NAV-tenesta vår. Tenesta har allereie gjennomført fleire koordineringsmøter med øvrige tenesteområde som barnehage, skule, helse og barnevern. Her har behov og ressursar blitt drøfta. Tilbakemeldinga frå NAV-leiar er at tenestene er budde til å ta i mot 30 flyktningar, og at dei er godt i gong med å rigge seg for dei utfordringar som må møtast.

Det er god kompetanse i organisasjonen, ikkje minst er det tilsette som også tok del i flyktningkrisa som gjekk føre seg i 2015-2016 med tilhøyrande introduksjonsprogram.

Kommunen har hatt ute førespurnad til innbyggjarane om ledige bustadar (hus, leiligheiter m.m) som kan nyttast til å busette flyktningar når dei kjem. Responsen har vore særleg god og me har i dag eit godt utgangspunkt for å kunne komme vidare i arbeidet. Rådmannen si vurdering er at det vil vere føremålstenleg om det verte gjeve eit rammeløyve frå kommunestyret til å handtere dei problemstillingar som fortløpande vil komme i arbeidet med å busette flyktningar hjå oss. Det vil mellom anna kunne innebære å inngå leigeavtalar (bustadar) og innkjøp av naudsynt utstyr som flyktningane treng i det daglege. I tillegg kan det bli aktuelt å gå til innkjøp/leige/lease bil som flyktningetenesta kan nytte i arbeidet. Rammefinansieringa består av integreringstilskot som kommunen mottek frå IMDi og som føl kvar flyktning over ein periode på 5 år.

Samnanger kommune er på mange vis budde til å gjere ein god innsats for å ta imot og busette 30 flyktningar. Rådmannen vil oppmode om at det etter kvart også kan vurderast å auke talet utover 30. Det er såleis ikkje utenkjeleg at det vil komme fleire oppmodingstal frå IMDI dersom krisa tilseier det.

Det er råd å tenkje seg at mange av flyktningane frå Ukraina raskt vil kunne finne seg til rette i det norske samfunnet. Det er usikkert kor langt tid me skal planlegge for at flyktningar vert verande i Noreg. Både dei sjølv og me som kommune vil ynskje at dei skal få komme attende til heimlandet sitt så snart som råd, men samstundes må me av fleire grunnar planlegge for at dei kan bli verande lenge i kommunen. Dette er noko både introduksjonsprogrammet for vaksne og barnehage-/skuletilbodet for barn må ta høgde for.

Rådmannen vil avslutningsvis peike på at det vert opplevd å vere eit stort engasjement både i lokalsamfunnet og i organisasjonen vår. Dette vil vere særleg viktige bidrag for å lukkast når me etter kvart skal utfordre kapasiteten vår til beste for våre nye medborgarar.



SAKSFRAMLEGG

Sakshandsamar: Jan Erik Boge	Arkivkode: FE-060
Arkivsaksnr: 22/1	Løpenr: 22/2063
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	012/2022
Kommunestyret	07.04.2022	018/2022

Høyringsuttale til forslag om endringer i domstolstrukturen

24.03.2022 Formannskapet:

Handsaming i møtet:

Øyvind Røen (Sp) sette fram framlegg om å senda saka vidare til kommunestyret utan tilråding.
Framlegget vart samrøystes vedteke.

FORM- 012/2022 Vedtak:

Saka vert sendt vidare til kommunestyret.

Rådmannen sitt framlegg til vedtak:

Saka blir lagt fram utan tilråding.

Dokument som er vedlagt:

Departementet sitt høyringsbrev
Departementet sitt høyringsnotat

Dokument som ikkje er vedlagt:

- [Forskrift 22. januar 2021 nr. 163 om inndelingen av rettskretser og lagdømmer](#)
- [Forskrift 11. desember 2020 nr. 2714 om inndeling i jordskiftesokn og tilordning til lagmannsrettane](#)
- [Forskrift 15. november 2019 om inndelingen av domssogn og lagdømmer \(oppheva\)](#)
- [Forskrift 11. desember 2015 om inndeling i jordskiftesokn og tilordning til lagsmannsrettane \(oppheva\)](#)
- [Prop. 11 L \(2020-2021\) - Endringer i domstolloven \(domstolstruktur\)](#)

Kva saka gjeld:

Justis- og beredskapsdepartementet sende 26.01.2022 forslag om endring i domstolstrukturen på høyring. Høyringsfristen er 26.04.2022. Departementet foreslår at strukturen for domstolane frå før domstolreforma 2021 i utgangspunktet blir gjeninnført. I departementet sitt høyringsbrev blir det vist til følgjande punkt i regjeringsplattforma for den noverande regjeringa (Hurdalsplattforma):

- «Gjeninnføre strukturen for domstolane før domstolsreforma av 2021 for å ivareta borgaranes rettstryggleik og sikre sjølvstendige domstolar med stadleg leing, med unntak for domstolar der domstolsleiar, kommunane i rettskretsen og dei tilsette gjennom sine tillitsvalde er samde om å oppretthalde dagens struktur.»

Høyringa er publisert på regjeringa sine nettsider;

<https://www.regjeringen.no/no/dokumenter/horing-av-endringer-i-domstolstruktur/id2898429/>

Formannskapet bad 10.02.2022 om å få opp sak om denne høyringa til politisk handsaming før høyringsfristen.

Samandrag av departementet sitt forslag:

Departementet sitt forslag er beskrive i eit eige høyringsnotat. Departementet foreslår i høyringsnotatet følgjande:

1. **At strukturen for domstolane før domstolreforma 2021 i utgangspunktet skal gjeninnførast (punkt 3.1. i høyringsnotatet).** Jf. Hurdalsplattforma, meiner departementet at ei eventuell avgjerd om å behalda dagens domstolstruktur, må ha brei støtte hos domstolleiar, kommunar og tillitsvalde i rettskrinsen. Det går fram i punkt 5 i høyringsnotatet at domstoladministrasjonen har stipulert at utgiftene ved å gjeninnføre strukturen frå før domstolreforma 2021, vil vera om lag 75 mnok, med permanente årlege ekstrautgifter på 35 mnok. Departementet understrekar at desse estimata er usikre og må vurderast nærmare.
2. **Endringar i adgangen til felles leing for fleire domstolar (punkt 3.2.2 i høyringsnotatet).** Departementet foreslår ei endring i domstollova § 33 c andre ledd, slik at det berre unntaksvis skal vera adgang til å bestemma at to eller fleire domstolar skal ha felles domstolleiar.
3. **Betre samarbeid og styrking av sårbare domstolar (punkt 3.2.3 i høyringsnotatet).** Departementet ønskjer å iverksetja tiltak for å leggja til rette for betre samarbeid mellom domstolar og for å redusera sårbarheiten i mindre domstolar. I høyringsnotatet har departementet beskrive nokre moglege lovendingar og andre tiltak som vil kunne leggja til rette for dette. Departementet ber om høyringsinstansane sine vurderingar av desse moglege endringane/tiltaka, samt om innspel til eventuelle andre tiltak som kan iverksetjast for å betra ressursutnyttinga ved domstolane.

I høyringsnotatet ber departementet også om innspel frå høyringsinstansane om følgjande prinsipielle spørsmål:

1. **Andre moglege endringar.** I punkt 3.3 i høyringsnotatet skriv departementet at høyringsrunden også vil kunne avdekka behov for mindre justeringar av rettskrinsane, for eksempel ved overføring av enkelte kommunar gjennom rettskrinsane.
2. **Barnesakene (behandling av saker etter barnelova og barnevernlova).** I punkt 4.1 i høyringsnotatet har departementet beskrive nokre tiltak som kan styrka barns rettssikkerheit. Departementet viser der mellom anna til at tiltaka som er nemnt i punkt 3.2.3 om betre samarbeid og styrking av sårbare domstolar også truleg vil kunne ha ein positiv effekt for slike saker (barnesaker). Dei viser også til at regjeringa sitt forslag om å auka løyvingane til domstolane for å tilsetja fleire embetsdommarar ved mindre rettstader, vil redusera behovet for å bruka dommerfullmektigar i barnesaker. Departementet ber til slutt i punkt 4.1 om innspel frå høyringsinstansane til ytterlegare tiltak for å ivareta barn sin

rettstryggleik.

3. **Den samiske dimensjonen.** I punkt 4.2 i høyringsnotatet har departementet beskrive nokre moglege tiltak for ivareta den samiske dimensjonen. Departementet skriv at saker med samiske interesser må behandlast av dommarar og domstolar som oppfyller dei same krava til kvalitet som i andre saker. Dette stiller krav til kunnskap om same- og urfolksrett i domstolane og kjennskap til dei samiske språka, samisk kultur og dei samiske samfunna. Departementet ber høyringsinstansane sitt syn på forslaga til tiltak, samt om innspel til andre tiltak for å ivareta den samiske dimensjonen.
4. **Jordskifterettane.** I punkt 4.3 i høyringsnotatet viser departementet til utfordringar for jordskifterettane, mellom anna lav saksinngang, omfattande saker og rekrutteringsutfordringar. Departementet skriv at tiltaka som er foreslått i punkt 3.2.3 i høyringsnotatet (betre samarbeid og styrking av sårbare domstolar) også vil kunne ha effekt for jordskifterettane. Departementet ber om høyringsinstansane sine innspel til ytterlegare tiltak for å ivareta dei særlege utfordringane til jordskifterettane.

Gjennomgang av departementet sitt forslag om endringar i domstolstruktur:

Det vart i 2021 gjennomført ei domstolreform i Noreg. Situasjonen før denne reforma var som følger:

- 60 alminnelege domstolar (tingrettar) i første instans. Enkelte tingrettar hadde felles leiing og i alt var det 50 sorenskrivarar. Tingrettane var fordelt på 69 rettsstader (nokre få rettskrinsar hadde fleire rettsstader). Fire av rettstadene var utan fast bemanning.
- 34 jordskifterettar. Nokre jordskifterettar hadde felles leiing og i alt var det 28 jordskifterettleiarar. Jordskifterettane var lokalisert på 34 rettsstader. Ein av rettsstadene var utan fast bemanning.

Situasjonen etter domstolreforma i 2021 er som følger:

- 23 rettskrinsar for tingrettane. Kvar rettskrins har ein tingrett i første instans med ein eller fleire rettsstader, som dekkar ein eller fleire kommunar. Oversikt over rettskrinsane går fram av [Forskrift 22. januar 2021 nr. 163 om inndelingen av rettskretser og lagdømmer](#).
- 19 rettskrinsar for jordskifterettane. Oversikt over rettskrinsane går fram av [Forskrift 11. desember 2020 nr. 2714 om inndeling i jordskiftesokn og tilordning til lagmannsrettane](#).

Situasjonen for Samnanger kommune:

Før domstolreforma 2021	Etter domstolreforma 2021
<u>Tingrett:</u> Samnanger låg under Bergen tingrett , saman med kommunane Alver, Askøy, Austevoll, Austrheim, Bergen, Bjørnafjorden, Fedje, Gulen, Masfjorden, Modalen, Osterøy, Vaksdal, Voss og Øygarden. Kontorstad var Bergen.	<u>Tingrett:</u> Samnanger ligg under Hordaland tingrett , saman med kommunane Alver, Askøy, Austevoll, Austrheim, Bergen, Bjørnafjorden, Eidfjord, Fedje, Kvam, Masfjorden, Modalen, Osterøy, Ullensvang, Ulvik, Vaksdal, Voss og Øygarden. Hordaland tingrett består av tidlegare Bergen tingrett og Hardanger tingrett, og har rettsstader i Bergen og på Lofthus. (Tidlegare Hardanger tingrett omfatta kommunane

	Eidfjord, Kvam, Ullensvang og Ulvik, med Lofthus som kontorstad).
<u>Jordskifterett:</u> Samnanger ligg under Nord- og Midhordland jordskifterett, saman med kommunane Alver, Askøy, Austevoll, Austrheim, Bergen, Bjørnafjorden, Fedje, Kvam, Masfjorden, Modalen, Osterøy, Vaksdal og Øygarden. Kontorstad var Bergen. Nord- og Midhordland jordskifterett hadde felles leiing med Indre Hordaland jordskifterett. Indre Hordaland jordskifterett omfatta kommunane Eidfjord, Ullensvang, Ulvik og Voss. Kontorstad var Voss.	<u>Jordskifterett:</u> Samnanger ligg under Hordaland jordskifterett, saman med kommunane Alver, Askøy, Austevoll, Austrheim, Bergen, Bjørnafjorden, Eidfjord, Fedje, Kvam, Masfjorden, Modalen, Osterøy, Ullensvang, Ulvik, Vaksdal, Voss og Øygarden. Hordaland jordskifterett består av tidlegare Nord- og Midhordland jordskifterett og Indre Hordaland jordskifterett, og har rettsstader i Bergen og på Voss.

Departementet sitt forslag er at domstolstrukturen skal endrast tilbake til slik den var før domstolreforma 2021. Samnanger vil i så fall igjen bli liggjande under **Bergen tingrett** og **Nord- og Midthordland jordskifterett**.

Bakgrunnen for domstolreforma 2021 og for Støre-regjeringa sitt forslag om å gjeninnføra den tidlegare domstolstrukturen

På side 5 i Solberg-regjeringa sin proposisjon [Prop. 11 L \(2020-2021\)](#) om endringar i domstollova, står det mellom anna følgjande om kva som var bakgrunnen for forslaget deira om endringar i domstolstrukturen:

«For at den enkelte skal få ivarettatt sine rettigheter og avklart sine plikter, må domstolene utføre oppgavene sine med høy kvalitet og innen rimelig tid. Domstolene må også være tilgjengelige og relevante for brukerne.»

«Regjeringen ønsker et likere domstoltilbud med sterke fagmiljøer i hele landet. For å oppnå dette anbefales det i denne proposisjonens meldingsdel (del I) å utvide tingrettenes og jordskifterettenes rettskretser, men beholde alle dagens rettssteder.»

«En utvidelse av rettskretsene vil gi mer fleksible organisasjoner med sterkere fagmiljøer. Større organisasjoner vil bedre ressursutnyttelsen og gjøre det mulig å utnytte effektiviseringspotensialet Riksrevisjonen beskriver i Dokument 3:3 (2019–2020).»

Støre-regjeringa ønskjer no å gjeninnføra domstolstrukturen slik den var før reforma i 2021. I høyringsnotatet frå Justis- og beredskapsdepartementet står det mellom anna følgjande om bakgrunnen for dette:

«Regjeringen ønsker å sikre innbyggerne i hele landet god rettssikkerhet og tilgjengelige tjenester. Tilgjengelige domstoler med nærhet til brukerne er viktig for tilliten til domstolene. Gjennom flere år har det vært en utvikling fra mindre lokale domstoler til større kollegiale enheter. Å ikke ha stedlig ledelse vil over tid kunne gå utover hvordan ressursene blir fordelt og svekke grunnlaget for å opprettholde lokale domstoler.»

«Regjeringen ønsker at domstolstrukturen har bedre lokal forankring.»

Det ser ut til at både Solberg-regjeringa og Støre-regjeringa har mange av dei same målsettingane for rettsvesenet (ivaretaking av rettssikkerheit m.m.), men at dei har ulike syn på korleis målsettingane best kan oppnåast. Skilnadene i syn går - som i fleire andre saker dei siste åra - mellom anna på om

sentralisering eller desentralisering vil vera den beste «medisinen».

Vurderingar og konsekvensar

Domstolstruktur

For Samnanger kommune vil det truleg ha liten praktisk betydning om domstolstrukturen blir oppretthalden slik den er i dag, eller om den blir endra tilbake til slik den var før domstolreforma 2021. For andre kommunar i distriktet vil dette truleg ha større betydning. Dette gjeld spesielt for dei kommunane som fram til 2021 låg under høvesvis Hardanger tingrett og Indre Hordaland jordskifterett. Rådmannen har ikkje tilråding om kva uttale Samnanger kommune eventuelt bør gje når det gjeld domstolstruktur.

Endringar i adgang til felles leiging

Ref. punkt 3.2.2 i høyringsnotatet. Etter reglane i domstollova m/forskrift kan det i dag i «særlege tilfelle» fastsetjast at to eller fleire domstolar skal ha felles domstolleiar, men denne bestemmelsen har med dagens domstolstruktur ikkje nokon rell betydning. Dersom domstolstrukturen blir endra tilbake til slik den var før domstolreforma 2021, kan spørsmålet om felles leiar for meir enn ein domstol igjen bli aktuelt. Departementet foreslår å behalda ordninga med høve til å ha felles leiging, men å gjera denne moglegheiten snevrare enn i dag. Det vil etter departementet sitt forslag berre unntaksvis vera høve til at to eller fleire domstolar skal ha felles domstolleiar. Det går fram i punkt 3.2.2 i høyringsnotatet at det er ei målsetting for regjeringa å sikra sjølvstendige domstolar med «stedlig ledelse».

For Samnanger kommune vil det truleg ha liten praktisk betydning om reglane blir som i dag, eller om reglane blir noko innsnevra slik departementet foreslår.

Betre samarbeid og styrking av sårbare domstolar

Ref. punkt 3.2.2 i høyringsnotatet, der ulike tiltak for betre samarbeid og styrking av sårbare domstolar blir drøfta. Det blir i denne saksutgreiinga ikkje gjort ei vurdering av dei forholda som blir drøfta i punkt 3.2.3.

Andre moglege endringar - justeringar av rettskrinsane

I punkt 3.3 i høyringsnotatet står det mellom anna at høyringsrunden vil kunne avdekka behov for mindre justeringar av rettskrinsane, for eksempel ved overføring av enkelte kommunar mellom rettskrinsane. Rådmannen har ikkje forslag til slike endringar.

Barnesakene

I punkt 4.1 i høyringsnotatet er det ein gjennomgang knytt til behandling av saker som gjeld barn sine interesser og rettssikkerheit. Rådmannen har ikkje konkrete forslag til innspel til ytterlegare tiltak for å ivareta barn sin rettstryggleik, men tidlegare saker både i Samnanger og andre stader i landet tyder på at dette er noko det er svært viktig å arbeida med.

Den samiske dimensjonen

Ref. punkt 4.2 i høyringsnotatet, der ulike forhold/tiltak knytt til den samiske dimensjonen blir drøfta av departementet. Det blir i denne saksutgreiinga ikkje gjort ei vurdering av dei forholda som blir drøfta i punkt 4.2.

Oppsummering:

Rådmannen vel å ikkje gje tilråding til vedtak i denne saka. Spørsmålet om «sentralisert» eller «desentralisert» domstolstruktur er i stor grad eit politisk spørsmål, som det truleg ikkje finst eit fasitsvar på. For Samnanger kommune vil det også truleg ha liten praktisk betydning om domstolstrukturen blir oppretthalden slik den er i dag, eller om strukturen blir tilbakeført til slik den var før domstolreforma 2021.



SAKSFRAMLEGG

Sakshandsamar: Knut Harald Frøland	Arkivkode:
Arkivsaksnr: 22/95	Løpenr: 22/2412
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	014/2022
Kommunestyret	07.04.2022	019/2022

Endring - ny transportordning for ungdom og eldre i Samnanger

24.03.2022 Formannskapet:

Handsaming i møtet:

Etter forslag frå Gunn Totland Moss (KrF) var det semje i formannskapet om å leggja til "innanfor Samnanger kommune sine grenser" i teksten i samarbeidsavtalen mellom Samnanger kommune og Trond Haga Taxi, for å presisera at avtalen gjeld transport internt i kommunen.

Med denne presiseringa vart ordføraren sitt framlegg samrøystes vedteke.

FORM- 014/2022 Vedtak:

Samnanger kommune inngår revidert samarbeidsavtale med Trond Haga Taxi AS om transporttenesta «Svinta»-skyss. Revidert samarbeidsavtale skal testast ut i 6 månader. Trond Haga Taxi får betalt kr. 25.000 eks. mva. pr. måned i prøveperioden. Finansiering skjer frå disposisjonsfondet.

Ordførar sitt framlegg til vedtak:

Samnanger kommune inngår revidert samarbeidsavtale med Trond Haga Taxi AS om transporttenesta «Svinta»-skyss. Revidert samarbeidsavtale skal testast ut i 6 månader. Trond Haga Taxi får betalt kr. 25.000 eks. mva. pr. måned i prøveperioden. Finansiering skjer frå disposisjonsfondet.

Dokument som er vedlagt:

Revidert samarbeidsavtale Trond Haga Taxi og Samanger kommune

Dokument som ikkje er vedlagt:

Sakspapir frå tidlegare handsaming i kommunestyret 24.02.2022, sak 008/2022

Kva saka gjeld:

Kommunestyret gjorde følgjande vedtak 24.02.22:

«Samnanger kommune inngår samarbeidsavtale med Trond Haga Taxi AS om transporttenesta «Svinta»-skyss. Samarbeidsavtala skal testast ut i 3 månader. Trond Haga Taxi får betalt kr. 5.000 pr. månad i prøveperioden. Finansiering skjer frå disposisjonsfondet.»

Både ungdom og eldre har no teke «Svinta-skyss» ordninga i bruk, og truleg vil bruken auke framover. Trond Haga Taxi har meldt tilbake at tilskotet frå Samnanger kommune er noko knapt, spesielt i lys av dagsenter-køyringa, og ber om at kommunen aukar støtta for å handtere denne køyringa. I revidert samarbeidsavtale er tilskotet auka frå 5.000 pr. mnd til 25.000 pr. mnd (eks. mva). Kommunen vil av dette beløpet refundert ca 12.000 pr. mnd. ved at den enkelte passasjer ved dagsenter-køyringa blir fakturert kr. 50 pr. tur som del av dagsenter-betalinga (dagsenter 4 dagar kvar veke).

Ein del av premissa i samarbeidsavtala er at Trond Haga Taxi skal kjøpe inn ny bil med kapasitet på 9 passasjerar og som kan ta rullestol. Dette for at Trond Haga Taxi skal kunne ta fleire oppdrag med køyring for Samnangerheimen. Bilen er kjøpt inn men er ikkje teken i bruk då den først må byggast om for å kunne ta med passasjerar som set i rullestol. Før ombygging kan skje må Trond Haga Taxi få godkjenning frå Vestland fylkeskommune. Godkjenning er forventast å komme snart. Når bilen er klar til bruk vil dette kunne auke omsetninga for Trond Haga Taxi og dette vil også virke positivt for økonomien med «Svinta-skyss»-ordninga.

Kommunestyret gjorde følgjande vedtak i budsjett for 2022:

Det skal gjennom prosjektet "Leve heile livet" undersøkjast moglege løysingar for transport av eldre til diverse arrangement. Forslag til løysing skal presenterast i formannskapet som eiga sak.

Etter einighet med rådmann har ordførar overteke oppdraget med å forsøkje å finne løysingar på denne utfordringa.

I tillegg til utfordringa frå kommunestyre har det i mange år også vore ei utfordring med å betre transporttilbodet for ungdommen i Samnanger. I forsøk på å finne nye og betre løysingar har det difor vore ei naturleg målsetting å komme fram til noko som kan gagne både ungdom og eldre.

I prosess med å finne nye løysingar har det vore viktig å gjere seg kjent med dei eksisterande transporttilboda i kommunen, kva omfang desse dekkjer, kva løysingar som gjeldt og kven som leverer og finansierer løysingane. Ordførar har hatt tett dialog med leiar på Samnangerheimen, leiar av eldreråd og pensjonistlag, Vestland fylkeskommune, Skyss, Helse bergen, ungdomskontakt, og Trond Haga Taxi.

Vurdering og konsekvensar

Samnanger er ein kommune der det er naturleg å ha bil og der det er naturleg at foreldre køyrer ungane sine i dei høve det er for langt å gå/ sykle eller at vérforholda tilseier det. Når det gjeldt ungdom i aldersgruppa 15-18 år vil dei ofte vere i ein fase av livet der ein ønskjer å komme seg rundt utan å nødvendigvis måtte mase på foreldra. Eldre i Samnanger (67+) kan vere i situasjonar der ein ikkje lenger har bil eller sertifikat, at partnaren som i alle år var fast sjåfør har falle vekk, eller andre grunnar. Ungdom og eldre er truleg av dei som kan aller mest på frustrasjon over eit mangelfullt kollektivtilbod.

Å bruke ordinær taxi kan fungere i spesielle situasjonar, men dette blir for dei aller fleste for kostbart som erstatning til kollektivtilbod. Då blir det til at ein er avhengig av at andre kan stille opp.

På Fylkesveg 49 gjennom kommunen er kollektivtilbodet relativt bra. Det same kan også seiast på strekninga Tysse-Bjørkheim. På strekninga Bjørkheim – Solbjørg og Bjørkheim - Eikelandssosen går det buss morgon og ettermiddag. Til grendene Li/ Kvernes, Nyutlørtræ og Rolvsvåg har Trond Haga

Taxi avtale med Tide om elevskyss morgon og ettermiddag. Til Utskot, Høysete og Kvitingen er det ikkje kollektivtilbod. Å opprette nye bussruter på strekningar som i dag har få eller ingen bussavgangar – og som har få passasjerar - er svært kostbart, og det er lite sannsynleg at det vil kunne skje.

Samnangerheimen kjøper inn transportoppdrag frå taxiselskap i andre kommunar i dei tilfelle pasientane set i rullestol, dette sidan Trond Haga Taxi i dag ikkje har bil med rullestol. Ved Dagsenteret er det i dag tilsette som sjølv transporterer dei eldre til/ frå.

Ordførar har i lys av denne situasjonen vurdert følgjande alternative løysingar:

Hentmeg

Skyss leverer eit kollektivtilbod kalla «Hentmeg», der du kan bestille tur når du treng det og der du blir ved fastlagt stoppestad og kjørt til fastlagt stoppestad, innanfor kommunens grenser. Dette er ein modell som dei siste åra er blitt testa ut i til dømes Odda og Sauda. Dette er eit kollektivtilbod som gjeldt alle aldersgrenser og som tar ordinær kollektivtakst.

Styrkar:

- Alle aldersgrupper får eit nytt, fleksibelt og rimeleg transporttilbod.
- Ein kan redusere utanforskap og auka livsgleda ved at både ungdom og eldre enklare kan møte kvarandre. Dei eldre kan bu lengre heime.
- Noko av det eksisterande kollektivtilbodet kan bli erstatta med «Hentmeg». Det kan eventuelt bety at Vestland fylke kan omdisponere midlar frå dagens rutetilbod til denne løysinga. Om dette er mogeleg er dog usikkert.
- Taxinæringa kan framleis ta seg av Samnangerheimen sitt transportbehov.
- Ein tar i bruk ei løysing som er testa ut i andre kommunar.

Svakheter:

- Truleg vil det ikkje bli nok inntekt til å dekke kostnadane. Vestland fylke får truleg betydelege meirutgifter og det er ikkje sikkert at Samnanger blir tilbydt ei slik løysing.
- Når kapasiteten er spreng vil ein kunne oppleve å ikkje få tur, eller at ein nokon gangar må finne seg i å måtte vente noko tid på at bilen kjem.
- Tilbodet vil truleg vere avgrensa til oppgitte tidsrom og arbeidsdagar + laurdag.

Ny kommunal løysing

Kommunen leaser bil med kapasitet på 9 passasjerar inkl. rullestolbrukar. Ein kan då dekke Samnangerheimen sitt behov som ikkje blir dekkja av pasientreiser (eigenandel) samt at ein kan ta oppdrag med transport av alle aldersgrupper innafor kommunens grenser etter «Hentmeg»-modellen. Truleg må kommunen tilsette 1-2 sjåførar for å kunne gje eit slikt tilbod.

Styrkar:

- Alle aldersgrupper får eit nytt, fleksibelt og rimeleg transporttilbod.
- Ein kan redusere utanforskap og auka livsgleda ved at både ungdom og eldre enklare kan møte kvarandre. Dei eldre kan bu lengre heime.
- Vestland fylke og Helsebergen kan spare transportutgifter.
- Noko av det eksisterande kollektivtilbudet kan bli erstatta med at kommunen overtar behovet på strekningane. Det kan bety at Vestland fylke kan omdisponere ressursar til denne løysinga. Om dette er mogeleg er dog usikkert.

Svakheter:

- Samnanger kommune kan få betydelege meirutgifter då inntektene ved passasjertransport vil bli langt lågare enn kostnadane. Det er og usikkert om det er midlar å hente frå Vestland fylke og Helsebergen til ei slik løysing.
- Ein vil ta av oppdrag som kunne gått til den lokale taxinæringa.
- Når kapasiteten er spreng vil ein kunne oppleve å ikkje få tur, eller at ein nokon gangar må finne seg i å måtte vente noko tid på at bilen kjem.
- Tilbodet vil truleg vere avgrensa til oppgitte tidsrom og arbeidsdagar + laurdag.
- Dette vil vere ei ny løysing for Samnanger kommune og ein treng å kjøpe inn teknologitenester for å sikre god logistikk.

«Svinta»-skyss (Eit offentleg privat samarbeid)

Det lokale taxiselskapet seier seg villig til å teste ut eit nytt transporttilbod til ungdom (15 – 18 år) og eldre (67+) som bur i Samnanger kommune. Transporttilbodet har arbeidstittelen «Svinta»-skyss. Dette transporttilbodet skal gjere det enkelt å ta seg rundt i kommunen i kvardagen. Ein kan bestille turar alle dagar og til alle døgnets tider. Ein blir transportert frå «dør til dør» og prisen er kr. 50. pr tur. Dette transporttilbode blir testa ut i ein prøveperiode på **6 månader**. Trond Haga Taxi får betalt kr. **25.000 pr. månad eks. mva** i prøveperioden.

Styrkar:

- Ungdom og eldre får eit nytt og fleksibelt transporttilbod. Dei kan bestille turar alle dagar.
- Ein kan redusere utanforskap og auka livsgleda ved at ein enklare kan møte kvarandre. Dei eldre kan bu lengre heime.
- Ein får nytta ledig kapasitet og logistikk-kompetanse Trond Haga Taxi AS.
- Dette vil truleg stele lite passasjerar frå rutebussar og den kan gje auka omsetning for Trond Haga Taxi As.
- Trond Haga Taxi As kjøper inn ny bil med kapasitet på 9 passasjerar som tar rullestol. Trond Haga Taxi Aa kan då ta seg av det meste av pasientkøyinga ved Samnangerheimen. Dette kan redusere kostnader for både Samnanger kommune, Vestland fylke og Helse bergen.
- Løysinga er lett å ta i bruk og ein brukar eksisterande løysingar ved bestilling av turar
- Ei samarbeidsavtala kan gje nye erfaringar som igjen kan betre dei lokale transportløysingane.

Svakheter:

- Tilbodet vil ikkje gjelde for ungdom over 18 år. Truleg kan det vere til hjelp at mange i denne aldersgruppa kan ha betre moglegheiter for å løyste transport gjennom å kunne sitja på med jamnaldrande, låne bil av foreldra eller nytte eige bil.
- Når kapasiteten er spreng vil ein kunne oppleve å ikkje få tur, eller at ein nokon gangar må finne seg i å måtte vente ør bilen kjem.
- Dette er ei ny løysing me ikkje kjenner til er prøvd ut i andre kommunar og ein har ikkje noko garanti for at det kjem til å fungere bra.

Vurdering av alternativa

Det beste valet vurderast til å vere «Svinta»-skyss. Dette er ei løysing som legg seg imellom det me har i dag av transportløysingar i Samnanger kommune og som truleg har potensiale til å kunne fungere bra. Med god dialog mellom Trond Haga Taxi og ungdom/ eldre er det mogeleg å finne gode løysingar ved faste møter og arrangement. Det er viktig å nytte samarbeidsavtala mellom Samnanger kommune og Trond Haga Taxi til å hente erfaring og til å kunne gje endå betre transporttenester i Samnanger kommune.



SAKSFRAMLEGG

Sakshandsamar: Marianne Soleng	Arkivkode: FE-041
Arkivsaksnr: 22/107	Løpenr: 22/1850
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	020/2022

Korrigerings av vedtak - Bestilling av forvaltningsrevisjon eller eigarskapskontroll

Kontrollutvalet sitt framlegg til vedtak:

Punkt 1 i vedtak KS 013/2022 vert endra til:

Kommunestyret ber kontrollutvalet bestilla og gjennomføra overordna eigarskapskontroll innan utgangen av 2022.

Dokument som er vedlagt:

Bestilling av forvaltningsrevisjon eller eigarskapskontroll

Partsbrev - Bestilling av forvaltningsrevisjon eller eigarskapskontroll

Saksframlegg med vedtak

Risiko- og vesentlegvurdering-Samnanger kommune, mai 2020

Revidert plan for forvaltningsrevisjon i Samnanger 2020-2024, september 2020

Plan for eigarskapskontroll i Samnanger kommune 2020-2024, september 2020

Kva saka gjeld:

Etter at denne saka vart vedteken i kommunestyremøtet 24.02.2022 (sak 013/2022), har sekretariatet i kontrollutvalet og leiar i utvalet komme med tilbakemelding på at fristen i punkt 1 er litt knapp.

Det er difor ønskjeleg at punkt 1 i vedtaket vert korrigert og at fristen vert utsett til utgangen av 2022.

Etter avtale med leiar i kontrollutvalet Arild Røen (H) vert saka på nytt sett på saklista slik at kommunestyret kan justera datoen formelt.

Vedlagt finn de sakspapira og vedtak frå kommunestyret si handsaming av saka 24.02.2022.



SAKSFRAMLEGG

Sakshandsamar: Ove Sæbø	Arkivkode: FA-Q88
Arkivsaksnr: 22/198	Løpenr: 22/2583
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	021/2022

Invitasjon til medlemskap i Trygg Trafikk

Rådmannen sitt framlegg til vedtak:

Samnanger kommune tek imot invitasjon og opprettar medlemskap i Trygg Trafikk. Årleg medlemskontingent er for tida kr. 2500,-.

Finansiering vert gjort innanfor ramma ansvar 2000 – skule og barnehage, felles.

Dokument som er vedlagt:

Trygg Trafikk - medlemsskriv til Samnanger kommune

Kva saka gjeld:

Samnanger kommune har motteke invitasjon frå Trygg Trafikk www.tryggtrafikk.no kor dei oppmodar kommunen om å bli medlem. Trygg Trafikk er ein ideell organisasjon som samarbeider tett med dei ulike forvaltningsnivåa, både stat, fylkeskommunar og kommunar. Føremålet deira er å arbeide for best mogleg trafikktryggleik for alle trafikantgrupper, med eit særskilt ansvar for barn og unge.

Eit medlemskap i Trygg Trafikk inneber tilbod til kommunen om:

- Bistand til kommunar som utarbeider trafikksikringsplanar
- Råd og rettleiing til foreiningar, lag og nærmiljøaksjonar som på ulike vis ynskjer å bidra til betre trafikktryggleik
- Kurs til barnehagetilsette og lærarar om trafikkopplæring av barn
- Kurs til helsestasjonar om sikring av barn i bil
- HMS-kurs kring trafikk for kommunalt tilsette etter ynskje
- Kursar barnehagelærarstudentar og grunnskulelærarstudentar
- Nyheitsbrev til alle medlemer om aktuelle saker kring trafikktryggleik
- Gratis læringsressursar til barnehagar, skular og helsestasjonar
- Godkjenningsordninga Trafikksikker kommune
- Rettleiing kring etablering av Hjartesoner kring skular

Vurderingar og konsekvensar:

Saka om medlemskap vart drøfta i rådmannen si leiargruppe 14. mars. I denne delen av møtet tok også ordførar del. Leiargruppa var samde om at kommunen bør vere medlem av Trygg Trafikk. Her vart det særleg peika på haldningsskapande arbeid retta mot barn og unge i barnehage og skule. Ordførar oppmoda om å leggje fram sak til kommunestyret for å få ei forankring for nettopp den heilskaplege haldningsskapande effekten eit medlemskap kan bidra til å gje, og at avgjersle om medlemskap difor kan fattast der.

Rådmannen vil peike på at kommunen ofte vert invitert til å gje uttale til ulike trafikkale prosjekt, i tillegg til å vere den aktøren som også initierer og set i gong trafikkrelatert planarbeid. Her vil det kunne vere verdfullt å få råd og innspel frå ein trafikkfagleg organisasjon som Trygg Trafikk. Det vil kunne løfte fram perspektiv og innspel som rommar barn og unge sine interesser.

I arbeidet med å nå ein høgast mogleg trafikktryggleik for alle som ferdast på og langs vegane, vil ein best kunne sikre dette ved å byrje allereie i barnehagealder. Haldningar vert danna over tid. Ved å arbeide frå og med barnehage og vidare inn i skule oppnår ein kontinuitet i haldningsarbeidet gjennom store delar av barne- og ungdomstida til dei som veks opp i Samnanger kommune. Trygg Trafikk tilbyr som nemnt i punkta over mellom anna kurs og læringsressursar til barnehagetilsette, lærarar og helsestasjonen.

Årleg medlemskontingent er kr. 2500,-. Finansiering vert innanfor ramma til *skule og barnehage, felles*: ansvar 2000.

Rådmannen rår til at Samnanger kommune opprettar medlemskap i Trygg Trafikk.



SAKSFRAMLEGG

Sakshandsamar: Jan Erik Boge	Arkivkode: FA-C84
Arkivsaksnr: 18/1508	Løpenr: 22/2060
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	013/2022
Kommunestyret	07.04.2022	022/2022

Vigselsmynde for rådmann Ove Sæbø

24.03.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 013/2022 Vedtak:

Ove Sæbø får vigselsmynde på vegner av Samnanger kommune med verknad frå 07.04.2022. Heimel for vedtaket er ekteskapslova § 12 bokstav b.

Rådmannen sitt framlegg til vedtak:

Ove Sæbø får vigselsmynde på vegner av Samnanger kommune med verknad frå 07.04.2022. Heimel for vedtaket er ekteskapslova § 12 bokstav b.

Dokument som ikkje er vedlagt:

- Ekteskapslova
(<https://lovdata.no/dokument/NL/lov/1991-07-04-47>)
- Rundskriv Q-11/2017 frå Barne og likestillingsdepartementet
(<https://www.regjeringen.no/no/dokumenter/rundskriv-q-11-2017-om-kommunale-vigsler/id2572038/>)

Kva saka gjeld:

Stortinget vedtok for nokre år sidan å overføra vigselsmynde frå domstolane til kommunane med verknad frå 01.01.2018. Reglar om kven i kommunen som har vigselsmynde står i ekteskapslova § 12 bokstav b:

- «ordførere, varaordførere og kommunalt ansatte eller folkevalgte som kommunestyret selv gir slik myndighet.»

I forarbeida til endringa i ekteskapslova 01.01.2018 vart det uttalt at det kan vera føremålstenleg at

kommunen også har vigslarar som er politisk nøytrale.

Kommunestyret vedtok 16.11.2017 (sak 042/2017) å gje dåverande rådmann Charlotte Hageberg vigselfmyndede. Tilsvarande vedtak vart gjort 16.09.2020 (sak 048/2020) for dåverande rådmann Ingebjørg Vamråk. Vigselfmyndet deira kom i tillegg til ordførar og varaordførar sitt vigselfmyndede. Ordførar og varaordførar har som nemnt ovanfor lovbestemt tilsettingsmyndede, jf. reglane i ekteskapslova § 12 bokstav b.

Vigselfmyndet som vert gitt til ein tilsett i kommunen, opphøyrer automatisk når ho/han sluttar i kommunen. Pr. i dag er det derfor berre ordførar og varaordførar som har kommunalt vigselfmyndede i Samnanger.

Det vert no foreslått at noverande rådmann, Ove Sæbø, får vigselfmyndede med verknad frå 07.04.2022.

Vigselfmyndede gjeld for heile landet. Dette betyr at ein kommunal vigslar kan gjennomføra vigslar i heile landet, ikkje berre i den kommunen ho/han er folkevald eller tilsett i.

Det er kommunestyret som har myndede til å gjera vedtak om vigselfmyndede.

Vurderingar og konsekvensar:

I rundskriv Q-11/2017 frå Barne- og likestillingsdepartementet står det mellom anna følgjande om kven som kan få vigselfmyndede i tillegg til ordførar og varaordførar:

- «Kommunen må selv vurdere hvem som er egnet for oppgaven. Det er ikke krav om særlig kompetanse eller erfaring....»

Rådmannen ser det som naturleg at kommunen, i tillegg til ordføraren og varaordføraren, også har ein vigslar som er politisk nøytral. Pr. i dag vil det då vera naturleg at rådmann Ove Sæbø får vigselfmyndede.

Det kan tenkjast to løysingar for å gje vigselfmyndede til rådmannen:

1. Kommunestyret gir vigselfmyndede på namn til den som er rådmann. Med dette alternativet må det gjerast nytt vedtak i kommunestyret ved skifte av rådmann.
2. Kommunestyret gjer vedtak om at den som til ei kvar tid er rådmann skal ha vigselfmyndede.

Rådmannen foreslår at alternativ 1 ovanfor vert brukt. Bakgrunnen for dette er at rådmannskontoret forstår det slik at lovgjevar sin intensjon er at kommunalt vigselfmyndede til andre enn ordførar og varaordførar bør gjevast til konkrete personar som vert vurderte som eigna for oppgåva.



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 22/1405
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	24.02.2022	1
Kommunestyret	07.04.2022	1

Interpellasjon til KS 24.2.2022 - Økonomisk tilskot til fritidsaktiviteter for barn og unge - frå Krf

Dokument som er vedlagt:

Interpellasjon

Kopi til:

Knut Harald Frøland



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 22/2713
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	2

Interpellasjon - butikk og drifstoffanlegg på Tysse

Dokument som er vedlagt:

Avslag støtte frå nærings- og utviklingsfond- Vestland fylke

Tyssebutikk presentasjon 09032022

E-post - Interpellasjon - butikk og drifstoffanlegg på Tysse

Kopi til:

Karl Bård Kollbotn

Knut Harald Frøland

Ove Sæbø



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 22/2703
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	3

Interpellasjon - fjerning av eiendomsskatt fra og med 2023

Dokument som er vedlagt:

E-post: Interpellasjon - fjerning av eiendomsskatt fra og med 2023

Kopi til:

haukollb@online.no
Karl Bård Kollbotn
Knut Harald Frøland
Odd Arne Haga
Ove Sæbø



SAKSFRAMLEGG

Sakshandsamar: Jan Erik Boge	Arkivkode: FE-033, TI-&29
Arkivsaksnr: 20/25	Løpenr: 22/2731
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	07.04.2022	4

Interpellasjon - jordvern

Dokument som er vedlagt:

E-post Interpellasjon